



**GOVERNUN KONSTITUSIONÁL IV  
SKRETARIA ESTADU KONSELLU MINISTRU**

---

**KOMUNIKADU IMPRENSA**

Soru-mutu Konsellu Ministrus iha loron 23 fulan Novembru tinan 2009

Konsellu Ministrus hala'o soru-mutu estraordináriu iha loron Segunda ida ne'e, loron 23 fulan Novembru tinan 2009, iha Sala Soru-mutu Konsellu Ministrus nian, iha Palásiu Governu, iha Dili, no aprova:

**1. Proposta kona-ba Promosaun patente alta F-FDTL nian**

Brigadeiru-Jenerál Taur Matan Ruak (José Maria de Vasconcelos) promove ba Maijór-Jenerál no atuál Coronél Lere Anan Timor (Tito da Costa Cristovão) sa'e ba postu Brigadeiru-Jenerál.

Promosaun rua ne'e propostu tuir distinsaun, tuir Rejime Promosaun Militár nian, no mosu nu'udar rekoñesimentu ba luta ne'ebé sira halo, iha Rezisténsia, husi parte militar na'in rua ne'e, durante tinan barak Libertasaun Nasionál nian, no ba dedikasaun no leldade tomak ne'ebé sira hatudu ba Nasaun iha sira nia dezempeñu ba sira nia funsaun, ho destake ba knaar ne'ebé sira halo iha F-FDTL, ne'ebé sira akompaña ona hori kedan ninia kriaun, no fó nafatin kontribuisaun maka'as ba nia manutensaun no fortalesimentu.